



# Un siôr plen di poesie

**G**rant finâl a Flaiban pes manifestazions inmaneadis di un comitat metût sù di pueste de bande dal Comun e de Pro Loco, in colaborazion cu la Provincie di Udin e la Bancje di Credit Cooperatîf dal Friûl Centrâl, par memorêa il poete e ecletic inteletuâl flaibanês **Celso Cescutti**, in ocasion de ricorence dai 50 agns de sô muart.

Sot sere Vinars ai 17 di maj, tor lis 8 di sere, si tignarà la cerimonie di dedicazion al poete de place che e sta devant de cjase li che "siôr Celso" al è nassût e muart. Cun chê cerimonie e vignarà ancje inaugurade la mostre inmaneade drenti de cjase Cescutti, là che si viodaràn manuscrits, spartîts musicâi e altris oparis di inzen di Celso. Subit daûr, intal curtîl e inte cjase dal poete al cjaparà vite il spettacul teatrâl-

Flaiban al dediche un libri e un place a Celso Cescutti, juste devant de cjase indula che al è nassût e muart il poete.

musicâl dal Teatro Incerto "Celso", gjavât fûr da un test di **Flavio Vidoni**, di e cun Fabiano Fantini, **Claudio Moretti** e **Elvio Scruzzi**, cu la partecipazion dal coro feminîl Euterpe diret di **Fabrizio Fabris**. Il spettacul al traviersarà la vite, a voltis aventureuse, di Cescutti e lis sôs oparis leterariis e al proponarà cualchi fatarel contât de sô stesse vôs, graciis a une registrazion cjatade in te cjase di famee. La jentrade e je libare a dutis lis manifestazions.

Joibe di sere, **Rienzo Pellegrini** de Universitât di Triest, al à presentât il libri "Robis di fruts. Poesie di Celso Cescutti" curât di Vidoni e publicât

dal Comun e da la Pro loco di Flaiban, che al conten in copie anastatiche ducj i cuatri libruçs di poesiis che il "poete contadin" al veve publicât tra il 1911 e il 1929 ordinantju seont un criteri "stagjonâl".

Di famee siore, Celso, daspò jessisi diplomât gjeometre, al à podût vivi come abenât, dedicantsi a lis ativitâts che i plasevin di plui.

La sô art poetiche, in lenghe furlane, la esprimè intai agns di zoventût. , la filosofie, l'astronomie, pubblicant almancul siet saçs su chescj argomenti. Appassionât di musiche e cjant, dulinvie dai agns Trente dal Nûfcent al componè i tescj, in talian e in furlan, di un grant numar di vilotis, romanzis, serenadis, imnis.



redazione@ilfriuli.it

## ■ PATRIE DAL FRIÛL

### In edicule il mensîl autonomist

**E**je rivade la Patrie di Jugn. I abonâts le àn ricevude in chestis zornadis: La Patrie dal Friûl e je rivade tes cjasis e ancje tes ediculis. Cui che nol è abonât o no le à inmò comprade al pues vê une cerce o discjamant lis primis trê pagjinis dal sît de Agjenzie regionâl pe lenghe furlane o lant a lei i articui sul sît [www.lapatriedalfriul.org](http://www.lapatriedalfriul.org).

**La promozion e permet di lei** cualchi articul dal ultin numar: tra chescj l'editoriâl di **Remo Cacitti**, premi "Rusticitas 2016" che al fevele dal cuarantesim dal taramot; il menù furlan "là di Moret"; la riscuvierte dal viazà a pît e la gnove pontade de rubriche "Scomençâs par furlan" che e presente la traduzion dal incipit di libris de leterature internazionâl e che par chest mès e propon "Siddharta" di Herman Hesse voltât di **Maurizio Mattiuzza**.

## SCOLTADIS DI DRIUS

### Puâr barbot!

Atu presint ce sorte di bolete dal telefono che j tocje pajà a un ch'a l'è barbot?



# I bêçs de Provincie pe lenghe

**VALORIZIAZION.** Al è il volum "Corâi di tradizion todescje voltâts par furlan" promovût de associazion "Glesie furlane", la Setemane di culture furlane 2016 organizade de Societât filologjiche furlane, il cd musicâl "Miôr cjantà che vaî" de associazion Fûr Timp di Gonârs, il teatri amatoriâl in lenghe furlane (Tumieç), i adesîfs plurilengâi pe Cjase des Paveis di Bordan e il spettacul "Vôs, suns, peraulis, e identitâts" (Cividât) tra lis iniziativis che a varan un contribût de bande de Provincie di Udin. Disesiet i beneficiaris di cheste seconde tranche



Pietro Fontanini

di finanziaments par complessîfs 17 mil euros di fonds propriis di bilanç che sumâts ae assegnazion precedente (20 mil

euros), a puartin a 37 mil euros i fonds destinâts a ativitâts di promozion de marilenghe. "La Provincie di Udin - al comentè il president **Pietro Fontanini** - e riten centrâl e prioritarie la valorizazion de lenghe furlane e, in gjenerâl, des lenghis minoritariis che a son sul nestri teritori. Chest impuartant e unic patrimoni al è ae base de specialitât de nestre region, un leam che al varès di jessi plui riclamât e fat valê par difindi i interes dal Friûl. I contribûts aes ativitâts dedicadis ae promozion de marilenghe, de storie e de culture furlane deliberâts de Provincie, si metin in chest contest: valorizà la nestre identitât stant che cheste e je il substrât de nestre autonomie".